

新刻羣音類選

新刻羣音類選清腔卷六

虎林 胡氏 文會堂 校選

南北調多入絃索

仙呂

北賞花時一套

滿湘關適

沈和甫

休說功名皆是浪語，得失榮枯總是虛，便做到三公
位待何如。如今的時務，盡荆棘，是迷途，便是握霧拿
雲，志已疎。詠月朝風，心願足，我只待離塵世，訪江湖，
尋幾個知音伴侶。我只待林泉下共樵夫，南排歌遠
害全身，清風萬古，堪羨范蠡歸湖，不求玉帶掛金魚。

甘分向烟波做釣徒，絕塵世，遠世俗，扁舟獨駕水雲
居。嘆塵世人間取，蠅名蠅利，待何如？（北）那吒令：棄朝
中俸祿，避風波仕途，身邊引着，小僕翫雲山景物，杖
頭挑酒壺，訪烟霞伴侶，近着紅蓼灘，靠着白蘋渡，潛
身向草舍茅廬，（南）三疊排歌：我只將這小舟撐，蘭棹
舉，簑笠為活計，一任他紫朝服，我不願盡堂居，往來
交遊，逍遙散淡，幾年無事，傍江湖，旋芻新酒，釣鮮魚，
終日醺醺，樂有餘，盃中淺瓶內無，鄰家有酒也空沽，
吟魂醉，飲興足，滿身花影，倩人扶，（北）鵲踏枝：見芳草，
映洋蕪，聽松風，響寒蛩，我只見落照漁村，水接天隅。

見一簇帆歸遠浦，他每都是些不識字的慵懶漁夫。
南桂枝香，扁舟灣住，在重楊深處，鶉鶉的鼻息如雷。
睡足了江南烟雨，聽山寺晚鐘，聲聲淒楚，西沉玉兔。
夢回初，本待要扶頭去，清閑到大福。（北）寄生草，春景
看山色晴嵐翠，夏天聽瀟湘夜雨疎，九秋玩洞庭明
月生南浦，見平沙落雁迷芳路，三冬賞江天暮雪飄
飛絮。一任教亂紛紛柳絮舞空中，爭如俺農家鷓鴣
洲邊住。（南）樂安神，閑來思慮自從那日賦，啼歎山河
日月幾盈虛，風光漸覺催寒暑，欲求生富貴，須下死
功夫，且常教兩眉舒。（北）六么序，園塘外三拉地，蓬窓

下幾卷書，他人傲人間。駟馬高車，每日家相伴陶朱。
吊問三閭，我將這離騷，和這楚詞來便收讀。覺來時
滿眼青山暮，抖搜着綠簑歸去，看花開花落，流年度。
一任教春風桃李，更和這暮景桑榆。南尾聲悟乾坤，
清幽趣，但將無事老村夫。寫入在瀟湘八景圖。

正宮

南梁州令一

四景閨情

李子昌

芳草長亭露帶沙，盼遊子來家。翠消紅減，恨如麻，隔
粧臺。慵梳掠，掩菱花。北賽鴻秋。我這裡望賓鴻，目斷
夕陽下。盼情人獨立，小簾兒下。夜香燒，禱告在花陰。

下喜蛛兒空掛在紗窗下風兒漸漸吹雨兒看看下
我這裡受淒涼獨坐在孤燈下南刷子序雲雨阻巫
峽傷情斷腸人在天涯錦字無憑虛度荏苒韶華差
呀春晝永朱扉低亞東風靜湘簾閑掛黛眉懶畫
宮鴉髻邊斜插小桃花北脫布衫我這裡冷冷清清無
語嗟呀急煎煎情緒交雜瘦伶仃寬褪了絳裙病懨
懨淚濕羅帕南漁家燈燕將雛逢初夏夢斷華胥風
弄簷馬閑局了刺繡窓紗香消寶鴨那人何處貪歡
耍空辜負沉李浮瓜寂寞厭池塘聞蛙庭院裡日長
偏怜我枕簟夜涼不見他多嬌蛇愛風流俊雅倚闌

千猛思容貌勝荷花（北小梁州）這些時雲鬢鬆減
了俊雅玉肌削脂粉慵搽上危樓盼望得我眼睛花
空一帶山如畫不由人情思在天涯（南普天樂）景淒
涼人瀟灑何日把雙鸞跨怨薄情空寄鸞箋相思句
盡囑琵琶彈粉泪濕香羅帕暗數歸期將春纖掐動
離情征雁呀呀無奈心事轉加對西風病容瀟灑似
黃花（北小梁州）短命喬才孤負了咱恨不得夢裡尋
他他那裡懷紅倚翠笑歡洽我這裡情盡掛不由人離
恨泪如麻（南朱奴兒）漸迤邐寒侵綉幄早頃刻雪迷
鴛瓦白恨今生分緣寡紅爐畔共誰人閑話攬題罷

托香腮悶加膽瓶中懶添溫水浸梅花北伴讀書我
我我起初時且是敬他他他他間深也和咱罷我我
我離恨有天來大他他他不足誇我我我自詳察泪
如麻暗嗟呀他無半點兒真實話南尾聲重相見兩
意佳慶喜傳盃弄筭氣命兒看承勝似花

中呂

南四園春一套

春游

李子昌

料峭東風開小桃催花一陣雨如膏東君昨夜到西
郊萬紫千紅堪盡描不妨同歡笑沉醉樂陶陶北石
榴花不妨沉醉樂陶陶正好賞花朝萬花堆錦盡難

描聽鶯聲闌巧。紫燕聲嬌。我恰纔尋真誤入蓬萊島。
潤園林春雨如膏。綠楊影裡佳人笑。喜的是東野翠
烟消。（南）好事近。東野翠烟消。喜遇芳天晴曉。惜花心
性春來起得偏早。教人採取。問東君肯與春多少。見
了鬢笑語。回言道。昨夜海棠開了。（北）普天樂。海棠花
先開了。似胭脂巧染。瑪瑙輕描。比楊妃上馬嬌。賽西
子沉魚貌。引得花間神仙鬧。天生下萬種妖嬈。多開
在碧桃花樹底。再不去綠楊影裡。堪描在紅杏花梢。
（南）千秋歲。杏花梢間着梨花雪。一點點梅豆青小。流
水橋邊流水橋邊。只聽得賣花聲聲頻叫。鞦韆外行

人道粉牆內佳人歡笑，笑道春光好，把花籃兒旋簇，
食壘高挑。（北上小樓）把花籃兒高高挑着，將酒尊食
壘提着，却有那知己英豪，忘懷道友，可以相交。厮守
着，厮覷着，千般耍笑，等的那開花叢引得到。（南越）
恁好。開花深處，滴溜溜酒旆招，牡丹亭左側，尋侶伴，
聞百草，翠巍巍柳條，翠巍巍柳條，見忒楞楞曉鶯兒，
飛過樹梢，撲簌簌亂紅，舞翩翩粉蝶兒，飛過畫橋，一
年景，四季中，惟有春光好，向花前暢飲，月下歡笑。（北）
十二月，笑吟吟花前宴樂，喜孜孜月下相交，擺列着
銀箏象板，更有那鳳管鸞簫。（南）紅綉鞋，聽一派鳳管

驚蕭見一簇翠圍珠，逸捧玉尊，酒頻倒，歌金縷，舞六么，任明月上花梢。
（北堯民歌）一輪明月上花梢，滿川紅綠鬪爭巧，佳人仕女飲香醪，寶馬香車，遶週遭，風雨和調，焚香處處喜逢豐年兆。
（南尚如縷煞）從教酩酊眠芳草，高把銀燭花下燒，韶光易老，休將春色虛度了。

北粉蝶兒一套

閨情

陳秋碧

三弄梅花，戍樓中角聲吹罷，月輪兒斜照窗紗，托香腮，湮汨眼，一篝燈下，展轉嗟呀，耳邊言都做了一場閒話。
（南泣顏回）薄倖忒情雜，不比尋常戲耍，出門客

易而今海角天涯歸期歲晚轉頭來過了春和夏去
時節霜老芙蓉却又早水冷蒹葭(北石榴花)綠窓前
斷送了好年華許多時脂粉不曾揉九迴腸番倒得
越窄狹幾乎間害殺鬼病增加一回家告蒼穹問個
龜兒卦不明白甲乙交叉猛然的拈起香羅帕肯分
的綉一朶並頭花(南泣顏回)奸猾心性最難拿瞞人
制齒伶牙悠揚不定猶如風裡楊花千思萬想恁從
來色膽天來大恐習學竊玉偷香塘突了相府高衙
北闔鵲鷄惡離別動歲經年又不比些時暫霎恨壓
損眉黛雙彎瘦減盡腰肢一把我暮暮朝朝想念他

他何曾繫掛咱，不能勾碧漢乘鸞，只落得垂楊繫馬。
南撲燈蛾，恩情如搦沙，清苦似嚼蠟，知他在那廂俵。
笑臉，虛擔着許多驚怕，也不索尋消問息，到頭來終
有箇還家，風流罪招由細數，從頭兒一樁一件自詳
察。
北上小樓，我自來無點瑕，他自來知禮法，平白的
受盡淒涼，擔着寂寞，遭此折罰，眼見得漏泄銅龍聲。
喧鐵馬，香銷金鴨，最難熬暮冬殘臘。
南撲燈蛾，風兒
颼颼亂刮，雪兒紛紛密洒，淒淒的鳳枕單，沉沉的鴛
帳冷，薄設設綉衾寒壓，灼灼銀燈爆花，鳴鳴的城上
次笳，瑟瑟的殘更正煞，呀呀的曉天啼散樹頭鴉。
南

尾聲文君再把香車駕，只恐琴心調弄差。反與相如
做話已。

南呂

南紅福郎帶北上小樓一套

閨情

花壓闌干春晝暈，喚起孤幃，睡鶯亂啼，無言嘿嘿對
芳菲，減香肌。轉眼是綠暗紅稀，聽聲聲子規，故園芳
草萋萋，把王孫路迷，把王孫路迷。路迷在花叢徑
裡，又沒箇相周相濟，俺只見來往遊蜂，來往遊蜂，貪
花蝴蝶，上下爭飛，恁成雙，俺孤單，心中憔悴，不覺道
雨過時，園林香細，前腔雨過園林，梅子黃，乳燕穿花

徑遶畫梁薰風時送芰荷香竹陰涼扇兒搨不到伊
行知他在那廂知他在那廂夢魂猶兀遶關山使離
人斷腸使離人斷腸斷腸人心中慘傷離情事休
教添上俺只見荷花深處荷花深處隨風蕩漾幾對
鴛鴦想殺俺盼殺俺才郎模樣不覺道碧梧桐一鈞
月上前腔月上梧桐滴露華喜得今宵裡爽氣加膽
甌中斜插木樨花隔窻紗強撥一曲琵琶對西風泪
洒對西風泪洒那人猶自在天涯想何日到家想何
日到家想才郎何日到家怎能殺乘鸞同跨俺只
見七月七夕七月七夕牛郎織女兩情牽掛料今宵

驚幃中，無人情話。到晚來，奴獨宿，紙帳梅花，前腔碧玉堂前，一樹梅。去時節，花初謝，今又開。滿頭風雪，却回來，再和諧。忙教小玉去安排，飲三盃五盃，飲三盃五盃。講些個離恨情懷。咱兩個去來，咱兩個去來。去時節，紅爐煖閣，回來時，彤雲密布。俺只見紛紛洋洋，紛紛洋洋。六出花飛，漫空飄墜。燎羊羔，沽美酒，同斟同唱。咱兩個驚幃中，也不廝放。南尾聲：今宵共約同歡愛，月照私情深似海。盡老今生不放開。

黃鍾

北醉花陰一套

懷美

秦復菴

黑海憂心最難寫，沒頭緒柔腸寸結。喬掛念，歹週折。
泪眼也斜，怕對殘燈夜。細咍筭，小冤業，不比尋常容易捨。
（南畫眉序）分首恰三月，轉眼如今半年別。記長亭折柳，玉指輕捻，挽青衫暫爾徘徊。拋紅泪，愀然哽咽。
幾葉碎把三花扯，離情不在多說。（北喜遷鶯）自別來時節，惡相思只恁隨邪。喬怯，眼前面風光怪劣。砧韻蛩吟不斷絕，送將人魂去也。剛捱得紅榴錦綻，早不覺黃菊金疊。
（南畫眉序）重九雨聲歇，簫鼓叢中闕。驕奢總白衣送酒，不禁交接。甚情懷細看茱萸，同那箇高登臺榭。鬱結似火，心頭烈，被他顛倒豪傑。
（北出）

隊子把簾櫳高揭望陽臺道路賒見參差叢樹暗重
堞正靄靄濃雲罩漢關更縹緲孤舟橫渡野南神仗
兒冤家那些冤家那些夢寐難尋恩情怎撇想那時
粉臉兒廝貼香噴噴甜津軟舌肌膚瑩雪頰一會恁
親熱停半霎似痴呆（北刮地風）那世裡才子佳人相
遇者喜今生羅帶重結任春風幾度花開謝永遠和
協偶然把夜光殘缺誰承望寶釵攔折雲雨臺桃源
路下了鉤鏹老天心狠似鐵姻緣簿暗把名抹半年
來信音如燈滅呀這相思債未徹（南神仗兒）花下曾
將誓盟設泰山崩滄海竭生則同衾死則同穴吐膽

傾心豈虛捏並頭蓮生硬折(北四門子)斷交遊懶入
白蓮社掩重門苦自嗟心性兒嬌模樣兒怯乍相逢
百般難記切汗帕兒搵衫袖兒遮揩不盡重重泪血
南關樊樓白晝看雲青霄步月瘦形骸無定貼喬煩
惱不斷輟幾曾經這軟兀刺病倒也(北古水仙子)我
我我命本拙他他他怎不待高乘駟馬車我我我寫
幽情班管差懸他他他恨離別金蓮頻跌我我我虛
驚破夢裡蝶他他他憶劉郎洞口雲遮我我我訪雲
英隔溪風浪瀉他他他怕舊時堂燕辭王謝我我我
虛垛下這場業(南尾聲)多嬌若得重歡悅把恩情從

頭訴說朝暮裡雲雨濃遮巫岫關

越調

南繡停鍼一套

夏景

院落春餘綠樹陰濃夏正初落花滿地飄紅雨
遶盡簷燕鶯相呼愛日永敲碁局打馬池亭上
柳澹碧窓虛篆香微裊隨風度薔薇篩影入簾疎
不覺散薰微暑北小桃紅碧烟淡靄暗蘼蕪
洒幾點黃梅雨芭蕉初開燕將乳見陌頭挽香車
載酒墜楊路嬌鬟低唱處絃管更舒徐都說道
行樂古來無南合笙皇都萬古似閨苑蓬壺
遙望碧霄外錦綉鋪雕甍瑣闥連禁

衢槐陰夾道蟬聲度來往遊人盡駐馬繁華處傍花
隨柳玉驄嘶過樓前去輕鞭慢控頻頻住迤邐盡橋
南浦綉轂香車喧闐樂舞南道和笑談勸酒歌金縷
翠鬟團扇掩羅襦索賦多情緒遠天芳草夕陽鋪問
回首處遙指郵亭路待明朝酒醒重歡娛北調笑令
燕子雨晴初江上麥黃梅已熟家家浴佛招提去趁
佳景遊賞歡娛一任他踏殘芳草綠一任他載酒携
壺南山馬客綠樹連堤碧波蕩鑑湖近樓臺掩映十
里紅蕖乘畫舫載圖書水色山光半有無穩繫玉壺
更携取鸞笙鳳竽遇佳景良辰樂事又俱南憶多嬌遊

賞處劇笑語，壯懷逸興，風流雅度，歲歲年年，莫教辜負。盡道昇平，幸逢當今聖主。（北禿厮兒）慶佳節欣逢端午，還見榴花噴火，爭舒荷葉，滿池翠蓋鋪。畫閣外暑來初，嫩竹蕭疎。（北聖藥王）笙吹起，徹九衢駿馬驅。打毬翦柳，較羸輸，綰壽絲，結綵縷。少年總佩赤靈符。芳醕泛菖蒲。（北金蕉葉）簇華筵，玉盤角黍，試羅衣，似懸父虎。喫雪浪，楚江競渡，棹龍舟，齊撾畫鼓。（南豹子令）水沁涼亭，風滿樹，畫景舒，六曲闌干，畫簾疎，映紅蕖。閑來玩賞，消炎暑，舞裙歌板，趁香車，晃瓊簪，珠佩集仙侶。（南梅花酒）瑤席細鋪，碧筒滿貯，調冰雪藕清。

涼處須快飲，倒金壺。（合）太平時，今喜遇，遊觀帝王都。
沉醉酒壚好，光陰莫虛負，好光陰，莫虛負。（前腔）切莫
踟躕，更將曲度，謾拈彩筆題佳句，記河朔，舊曾賦。（合）
前南尾聲：良辰美景，天付與，正四海太平時序，永樂繁
華，當今荷聖主。

商調

北集賢賓一套

中秋

太平年四時多美景，今夕景偏清，正遇着中秋佳節，
普天下民庶歡騰，感吾皇一視同仁，撫華夷四方無
警，文共武濟，陰陰欽仰皇綱正，齊都道此身何幸逢。

時須快樂，讚頌賀朝廷。（南）喜梧桐，金風送晚涼，浮雲
淨，一色晴空，須臾飛上黃金鏡，散清光，晃漾琉璃千
萬頃，桂樹影婆娑，香清露冷，駕鳳飛鸞，環珮聲相應，
擁羣仙來會清虛境。（北）梧葉兒，迭奏雲和笛，雙吹紫
玉笙，妙舞更娉婷，金闕三千界，瑤臺十二層，風露寂
無聲，真箇是良辰美景。（南）山坡裡羊，金水平分秋令，
皓彩十分光瑩，霞盃滿泛，金波輝映，夜氣清，銅壺箭
屢更，瓊樓玉宇闌干凭，高捲水晶簾，清興又增怡情，
雲影和月影，堪聽簫聲雜鳳聲。（北）賀聖朝，月到中天，
萬國同明，倒浸着山河影，桂魄孤凝，只見那玉兔銀

蟾顧影頻驚寶鼎內香焚金杯滿傾過行雲齊唱着
新歌共樂昇平南水紅花良時何幸際昇平會蓬瀛
人人歡慶那風月兩同清永安寧家家相慶且喜得
風調雨順更遇着歲稔年登福慶似雲蒸也囉北滿
堂春樂昇平也波樂昇平也波平玉燭調和海波澄
也波澄景星霄見卿雲興也波興醴泉盈嘉禾盛甘
露零人人共仰萬福萃佳禎南一封書虔誠感聖明
廣仁心行德政振綱常法度整重官僚育俊英鑿井
耕田民樂業連野桑麻戶不局滿城闐管絃聲皞皞
熙熙喜氣臻北金菊花德風遠被萬方遵四海蠻夷

總効誠仰神京至心齊引領會梯航輻輳來庭貢方
物獻奇珍(北醋葫蘆)馱馳擎寶瓶金獅簇絳纓更希
奇白象雪毫明紋犀綉錦間翠翎向丹墀齊擺定恹
幅拜舞表中情(南梧桐樹)四夷賓邊方定鉦鼓無聲
閑將闌烽烟不舉塵埃靜見這商旅通行任經營那
更閭閻雞犬聲相應正是華夷一統咸遵號令(北村
里迓鼓)正今日演武修文因此上民皆興行盡忠立
孝行慈悌夫從婦聽撫子孫信朋和里鄰真箇是民
風厚醇(南簇御林)民風厚無關爭有司家詞訟省最
清閑曹案文書靜眾官僚守法守法遵朝命萬姓寧

托賴看一人有慶時逢佳節總歡忻（北元和令）秋宵
涼灝氣澄暮靄散彩雲淨一年此景最分明愛光輝
月底清只道是山河遙浸雪波中掛涼樓下遠江北
上馬嬌耀錦城晃玉京瓊佩響玎玎羣仙翕聚鸞鳳
詠羽蓋雲軒謾說道周生百尺繩（北遊四門）驀聽風
飄桂樹聲香濕露華凝萬古高秋結水精廣寒路近
璚霄飛鏡一舉到蓬瀛（南黃鶯兒）香羅細白苧輕翠
屏開湘簟整旋添沉速焚金鼎珍饌再陳瓊卮更斟
慇懃捧進多誠敬夜轉深涼颼時薦爽清沁透玉壺
冰（南梧葉兒）忽見這珠簾外度流螢光輝散明星又

見得霞綃輕捲，耿玉繩、浩興增。不負了良辰美景，北
雙雁兒。看天邊斗轉，與參橫。漏頻催良夜永。金井梧
桐月華映，香霧飄花弄影。見銀河明耿耿，南皂羅袍
合管絃多清韻。盡歡娛快樂，笑語紛紛，普天下率土
荷陶鈞。謳歌鼓舞，誠悃天長地久，難忘聖恩，齊心
讚頌。敷揚至仁，仰蓬萊咫尺，龍顏近。南尾聲。效封人
三祝，多欽敬。深深拜月共瞻星，但願皇明萬萬春。

大石調

南金殿喜重重一套

殘春

新綠池邊，猛拍闌干，心事仗誰論。花也無言，蝶也無

言離恨滿懷縈牽恨東風不解留去客嘆舞紅飄粉
飛綿景依然事依然悄然不見郎面北賽鴻秋俺相
別時節正逢着春海棠花初綻蕊也只是微分間現
霎時間榴花噴紅蓮放沉水果避暑搖紈扇逡巡間
菊花黃金風起敗葉飄梧桐變不覺得蠟梅開冰花
墜暖閣內將香醪旋四季景偏多思想心中戀不知
俺那俏冤家冷清清獨自箇悶懨懨何處擔着寂怨
南金殿喜重重嗟怨自古風流悞少年那堪值暮春
天生怕到黃昏愁怕到黃昏獨自箇悶不成歡換寶
香薰被誰共宿嘆夜長枕冷衾寒你孤眠我孤眠但

只是魂夢裡相見（北貨郎兒）有一日稱了俺平生心
願成合了夫妻謝天今生一對兒好姻緣冷冷清清擔
着寂寞愁冗冗受着熬煎（北醉太平）都只為多情的
這業冤今日個恨惹起情牽想當日設山盟言海誓
在星前擔閣了風流的這少年有一日朝雲暮雨成
姻眷畫堂歌舞排歡宴有一日羅幃錦帳裡永團圓
花燭洞房成連理休忘了受過的這淒涼有萬千（南）
太平賺行李都辦早登程去心如箭休苦留戀漸覺
江天紅日晚欲臨行又孜孜覷着心兒裡暗約教人
怎不埋怨黯然分散恁時兩處消魂悶縈方寸（南怕）

春歸是我心兒悶，那更萬綠枝頭，聲聲叫杜鵑，啼不
如歸，聽不如歸，教人悶轉添，霎時間相聚，又怎知明
日天涯孤館。
南春歸，犯羞見對柳眉，玩柳眼，千萬縷
添縈絆，自從別後，休將人攀，向晚回深沉院落，料為
你停針頻作念，待會時，怕水遠山遠，人遠，唱徹陽關
滿斟別酒，醉懶圖得不知離別，嘆南尾聲，暫別登程
休留戀，不堪處，度日如年，好似和針吞却線。

雙調

南珍珠馬一套

閨情

李愛山

簫聲喚起瑤臺月，獨倚闌干，情慘切，此恨憑誰說，又

那值夢昏時節、花飛也、點點似離人淚血、（南）步步嬌
暗想當年羅帕上、把新詩寫、偷綰同心結、心猿乖意
馬劣、都將軟玉溫香、嫩枝柔葉、琴瑟正和協、不覺花
影轉過梧桐月、（北）雁兒落、不覺得梧桐月、轉過銀臺
上、昏慘慘燈將滅、怎禁他紗窓外鐵馬兒敲、這此時
一團嬌香肌瘦怯、（南）沉醉東風、一團嬌香肌瘦怯、半
含羞翠鈿輕貼、微咲對人悄說、休負了今宵月、等閒
閒將海棠偷折、山盟共設、不許暫時少撇、若有個負
心的、教他隨燈兒便滅、（北）得勝令、呀、若有一個負心
的、教他隨燈滅、慄慄可可山盟海誓對誰說、海神廟閑

放著勾魂帖、那神靈仔細寫、你休要心斜、非是俺難
割捨、你休要痴呆、殷勤將春心漏泄、(南忒忒令)他殷
勤將春心漏泄、我風流寸腸中熱、因此上楚雲深鎖、
黃金闕、休把佳期暫撇、燕山絕、湘江竭、斷魚封雁帖、
(北沽美酒)湘江斷、魚雁帖、他一去了、信音絕、想看他
負德辜恩、將謊話說、眼見得花殘月缺、自別來、甚時
節、自別來、甚時節、(南好姐姐)自別、逢時遇節、冷淡了
風花雪月、奈愁腸萬結、怎禁窗外鐵、無休歇、一似珮
環搖明月、又被西風將錦帳揭、(北川撥棹)又被西風
將錦帳揭、倚圍屏、情慘切、這些時、信斷音絕、眼中流

血心內刀切、泪痕千疊、因此上渭城人、肌膚瘦怯、南
桃紅菊、渭城人肌膚瘦怯、楚天秋應難並疊、停勒了
畫眉郎京尹、補填了河陽令滿缺、北川撥棹補填了
河陽令滿缺、一片似火也、心間事與誰說、好教我行
眠立盹、無明夜、今日個吹簫無伴、彩雲賒、聞箏的月
下疎狂劣、畫眉郎手脚拙、竊玉的性情別、把好夢、成
吳越、南川撥棹成吳越、怎禁他巧言搬鬧喋、平白地
送暖偷寒、平白地送暖偷寒、猛可的搬唇遮舌、水晶
丸、不住撒、點鋼鉞、一味撚、北梅花酒他將那點鋼鉞
一味撚、劈賢刀手中撒、打撈起塊丹楓葉、鴛鴦被、

半床歌、蝴蝶夢、冷些些、破香囊後成血、楚館著、火焚者、
(南錦衣香) 楚館焚、秦樓拽、洛浦填、涇河截、梅家庄、
水罐湯瓶、打為磁屑、賈充宅、守定粉牆缺、武陵溪澗、
花兒釘了椿楸、楚襄王夢驚、漢相如趕翻車、轍深鎖、
芙蓉闕、紫簫吹裂碧桃花下、把鳳凰翎毛生扯、北收
(江南) 呀、你敢在碧桃花下、將鳳毛扯、人生最苦是離
別、山長水遠路途賒、何年是徹、響噹噹菱花鏡碎玉
簪折、
(南漿水令) 響噹噹菱花鏡碎、跌側楞楞、瑤琴絃
斷絕、
攪支支同心綰帶扯、
咕叮噹寶簪兒墜折、
採蓮人偏把並頭折、
比目魚就池中冷水燒熱、
連枝樹生

斫折打撈起御水流紅葉、藍橋下翻滾滾波浪捲雪、
祇神廟焰騰騰火走金蛇、（南尾聲）饒君巧把機謀設、
止不住負心薄劣、夢兒裡若見他、俺與他分說、

北新水令一套

四景閨情

水沉消盡瑞爐烟、夢驚回可憎語燕、掩重門深小院、
空辜負艷陽天、花柳爭妍、越教人倍傷感、（南）步步嬌
徐步閒庭、試把愁懷遣、無柰金蓮倦、心中愁萬千、滿
自繁華、總是相思怨、默默悄無言、把蘭干十二閒凭
遍、（北）折桂令、數埵期微、困春纖、纔見春來、又早春還、
盼多才雲鬟倦整、針線慵拈、恨東風吹盡了殘紅萬

點、怨東君收拾去、光景無邊、心事綿綿、鬼病懨懨、又
早見南窓外、新筍成竿、（南江兒水）瞬息端陽至、門庭
艾虎懸、想當年共賞荷亭畔、切香蒲、謾把金尊勸、浴
蘭湯相並、搖紈扇、怎想薄情心變、一別經年、杳沒個
音書回轉、（北雁兒落帶得勝令）我為他被娘行告自
嫌、我為他被姊妹每相輕賤、我為他消瘦了柳葉眉
我為他清減了桃花面、我為他終夜竟忘眠、我為他
茶飯上不周全、我為他滴盡相思淚、我為他倚圍屏
眼望穿、天天怎不與人行方便、若得他團也麼圓、准
備着誓盟香荅、謝天、（南僥僥令）丹桂飄香出廣寒、暗

魄闌嬋娟、嘆我孤闌無人伴。心自想姮娥也、獨眠北
收江南。呀、早知道這般樣薄倖呵、誰待要和你結良
緣、捱盡衾寒枕冷、夜如年。愁聞孤鴈過樓前、一聲聲
可憐、為甚麼冤家不把信音傳、南園林好你緣慳奴
身命蹇、別時易相逢甚難、一任雲鬟撩亂、零落了、翠
花鈿、零落了、翠花鈿。北沽美酒值嚴冬、陽九天、彤雲
布、朔風旋、只見柳絮梨花亂撲簾、獨坐在、獸爐邊、烹
鳳髓、煮龍團、銷金帳、共誰懽、忺、不記得雙雙、罰愿我
呵、到黃昏、轉添悶懽、對青燈、悄然、淚漣、呀、猛傷情、把
玉釵、敲斷、南清江引紅顏古來多命蹇、不索將人賺、

恹惶兩泪漣界破殘粧面望長安不知郎近遠

北新水令一套

春日閨情

祝枝山

一春無事為花愁對東風轉添憔悴盼多才難割捨
對此景慢追遊歲月如流心上事今非舊南步步嬌
獨掩紗窓空把香囊繡無語沉吟久香閨淚暗流自
恨無緣好事難成就何處訴離愁泪珠濕透羅衫袖
北折桂令這幾日悶傷春懶上粧樓所事兒一一難
畱對人前把精神強抖飲食不週想當初實指望天
長地久到如今空惹下蝶怨蜂愁情事悠悠無了無
休空辜負畫堂前柳嫩桃嬌挨不過翠幃中日煖風

柔(南江兒水)玉腕長虛溜、湘裙過掩頭、今春更比前
春瘦、見雙雙燕子、歸來後、悶懨懨、鬼病相纏、守無限
淒涼、倂懔、靜掩重門、挨幾個黃昏時候、(北)鴈兒落帶
得勝令、空對着碧溶溶、一影簾、暗數着靜悄悄、三更
漏、擁抱着薄怯怯、翡翠衾、倚定着香襲襲、黃金獸、纔
待要做一個團圓夢、又被子規聲、在窓外頭、看看的
月轉過、鞦韆架、又被那曉鶯聲、送我愁、休休、也不索
閑窮究、因也麼由、不是冤家不到頭、(南)僥僥令、綉幙
珠簾、懶上鉤、日午倦梳頭、一任釵橫雲鬟亂、泪洒春
山、兩點愁、(北)收江南、呀、早知道這般樣、春光虛度呵、

何日裡訴離愁、俺只見過時桃杏不經秋、你如今好
休、俺如今好丟、只怕文君不比舊風流、南園林好海
山盟全不應口、說來話如今變仇、負心的蒼天不佑
須有日、看傷州、須有日、看傷州、北沽美酒嘆春光似
水流、不覺得又是一年休、俺只見雨雨風風暗結愁
紅雨散、綠雲收、鶯儔燕侶報新愁、不明白的冤家拋
人在腦後、甚時得佳期成就、曾和你拈香設呪、我吓
與你意投、志投、那些兒不投、吓到于今都做了海山
遙、秀、南清江引多才不來添煩惱、自覺香閨懶懣懣
病轉加、害得沒分曉、一天愁待他來都散了、

北新水令一套

花鳥爭春

牟濟溪

蘭幃鶴夢鎖春寒，驚喚起海棠嬌軟。燕翻紅杏雨，鶯
轉白楊天。百舌聞關，一聲聲杜鵑血澣。
南步步嬌試
新粧悶把菱花展，兩鬢烏鴉亂。心慵拍粉團，鵲立吞
聲，自惜天桃面。纔向牡丹看，見黃鸝飛過茶蘼院。
北
折柱令謾掀開白練疎簾扇，掩金烏步款金蓮。嘆孔
雀屏空，芙蓉褥冷，翡翠衾單。怪的是翦春羅腰肢瘦
減，恨的是唱鷓鴣眉黛愁牽。向芍藥亭前，鵝鵝池邊
本待要訴幽懷，倩鴻鴈傳情，又恐怕立雕籠那鷓鴣
聞言。
南江兒水梅瓣和脂冷，鸞簫伴月閒。酒傾金盞

憑誰勸，盡眉人何處，貪歡忤。虞美人空自情繾綣，他
有雉朝飛怨。我燒了斷頭丁香，使今生有白頭長嘆。
北鴈兒落帶得勝令。我為他對八歌兒懶接談。我為
他與十姊妹羞相見。我為他到布穀時動苦思。我為
他向夜合庭空孤沾。我為他白鵲籠懶放開。我為他
滾綉毬錯認犯。我為他鵲鵲冠空懸望。我為他石榴
裙懶待穿。天若得紫薇郎重相見。團也麼圓。一處裡
效睢鳩洲際眠。南僥僥令。忽聽得雙雙喜鵲喧。飛近
木香闌最愛他。臘嘴喳。一相對語。好一似送催歸。喜
信傳。北收江南呀。早知你瑞香般頭腦兒呵。枉結下

比翼的好姻緣，到如今紫荊凋謝，小闌干，伯勞東去，
未曾還。使櫻唇說乾想，殺他托鵲鵲一枝在何處安。
南園林好，煮山茶，提壺汲泉。見鷓鴣偷身便轉，
淚眼愛薔薇紅艷，袖濕透野雞斑。袖濕透野雞斑，
北沽美酒金雀分，各一天。玉簪折，拋兩邊，害得俺
潑雪肌膚瘦不堪。服山丹，病未痊，看沙鷗愁轉添。
欲請個山和尚，把經念，對着那佛見笑來，酬愿我呵。
落金錢，討占叩虔。苦哀哉，告天可憐呀。猛傷心，把鳳頭鞋
趺綻。南清江引，欲提木筆修書柬。泥滑滑，心頭泛。
鴛鴦扣扯開，茉莉香揉散，只落得月月紅紅，紅眼。

北新水令一套

尼姑下山

佛前燈火半昏明，助人愁數聲金磬。活人身徒自苦，
死木偶有何靈。多少青春都逐了，香烟盡南步步嬌。
自古紅顏誰似奴薄命，冤債前因証形端性亦靈。要解
愁煩，何事常孤另。低首自沉吟，蓮臺縹緲無憑信。北
折桂令，髻邊鴉削落紛紛。鳳頭釵羞殺黃金鏡，笑花
容少年沒主，老大誰親。綉幡兒隔斷了鴛鴦雙枕，木
魚兒敲散了鸞鳳齊鳴。如花在銀瓶，月在空亭，有誰
人識熱知疼，並肩交頸。空自受淒涼，寡影孤形。南江兒
水事佛傳千古，梯仙有幾人悔當初，錯把空門進坐。

禪堂意亂，渾無定眠。紙帳何曾得穩，恁般消磨則甚。
待效來生，知來生是何方生命。北鴈兒落帶得勝令
我待要向法堂上，開消悶，怕見那衆羅漢，悶轉增，那
長眉的似愁我，情無恁大肚的似笑我，不住聲，舉手
的似招我，同歡慶，怒目的似嗔我，妬風情，貌老的似
怜我，年虛度，年少的似貪我，色傾城，靈靈似這般樣，
煩惱縈方寸，便是鐵石人，怎教不動情。南僥僥令困
倚芸窗，淚雨傾濕透了，案頭經，剛剛卷帙都磨損，字
糊塗，讀不成。北收江南呀，早知道這般樣，難挨呵，誰
待要學無生，送黃昏，鐘聲磬聲，絮叨叨在耳邊聽，一

聲聲惱人恨人喫緊的咬定了牙根南園林好從今
把青絲養成從今把縵衣改更尋一個風流聰俊生
和死結良姻生和死結良姻北沽美酒春花開夏風
薰秋月皎冬雪晴我與他暮暮朝朝樂事濃不燒香
不點燈不念佛不看經不奉三寶諸天衆聖縱陰司
嚴禁一任薰煎磨春我呵說甚麼前生後生且圖著
今生此生呀急回頭已錯過半生光景南清江引心
猿意馬今朝定急離了沙門窠休教月下僧敲破山
門進半路裡出家的著甚麼要緊

北新水令一套

紡鞋

張叔元

半弓裁就綉羅輕、巧銜花鳳頭雙靚、剛剛三寸整、款
款十分春、裙底風生、佩叮嚙相掩映、（南）步步嬌、緩步
蘭房、回顧猩紅影、且喜金蓮稱、休誇一捻成、幾日香
閨、刺綉才端正、羅襪樣兒新、蓮花瓣落雙鈞並、（北）折
桂令、惜花心、早步園林、點檢芳菲、來往殷勤、腳踪兒
花陰庭畔、空自傳情、堪矜的、踏殘紅、開些笑靨、堪怪
的、濕蒼苔、攢了眉痕、默默沉吟、細細追尋、只得向西
窓、晒趁着晚晴、（南）江兒水、立處纖纖並、行來步步輕
一團嬌、越顯得身兒俊、羨浮塵不染、真乾淨、見底尖
窄窄、偏齊整、悶把闌干閑凭、嫋嫋婷婷、尚兀自支撐

不定(北雁兒落帶得勝令)我愛他象床前帶笑蹬我
愛他綉幃裡含羞褪我愛他珠簾微露一鉤痕我愛
他銀燈邪插雙彎影我愛他被底拘春興我愛他向
東風蹴踘情我愛他南陌青春有跡我愛他月華明
夜無聲卿卿契緊的難親近若得個相也麼親好教
人懷兒揣手裡擎南僥僥令走馬芳叢混落英翠盤
上錦烟生倒掛鞦韆垂楊外似點點流霞天際明(北
收江南)呀須信這般樣堪愛呵真個是值千金
曉陽掌上舞輕盈凌波出洛步精神色媚媚可欽
時聞得一陣暗香生(南園林好)底樣遮瀟湘翠紋
月牙兒輕

籠采雲、猛地支頤暗省、跌綻了、幾回喚、跌綻了、幾回
喚、北沽美酒、愛春眠、露綉衾、動春心、撥醉人、似對對
鴛鴦、逐浪輕乍一見、使人驚、才一轉、便消魂、說甚麼
潘妃步穩、誇甚麼太真束緊、我呵、叫一聲、願人、二人
其實喜人、愛人、呀、急攘攘、把春心勾引、南清江引、掌
臺竊來、番惹憎、好助高陽飲、重諧霍夢靈、徑軟崔娘
印、百顆珠堪贈、伊香塵靜、

北新水令一套

綉鞋

胡德父

一雙隨襪洛川來、向邯鄲、十分搖擺、掌中頻借看、肩
上慢輕擡、浴罷身歪、噴香風、侍兒將待、南步步嬌、携

手行行多嬌態。燕子飛輕快。香痕度翠苔。褪了跟兒。
扶住增人愛。花襯淨無埃。西窓漫趁晴光晒。
北折桂令。珮環聲來。往瑤堦。三寸飄然。一捻奇哉。暗將人勾。
引情懷。試倩恁走馬章臺。再和伊踏青郊外。忍着他。
裙底沉埋。席上行盃。恁便是量窄情疎也。都甘急引。
盈醺。南江兒水頻把失兒點。能將律呂諧。偷啼惹訕。
須寧耐。吞喉再醒真奇怪。拆分重合。因歡愛。遊倦倩。
人摩揣。悄賜傳情。微露鳳頭紋彩。北鴈兒落帶得勝。
令。想着恁戲鞦韆。星點催。想着恁爭蹴鞠。風情賣。想。
着恁罷舞處。金蓮滿地排。想着恁踏月時。一鉤真可。

賽想着恁綺羅筵幫宮黛想着恁銷金帳換軟胎想
着恁初纏束曾把紂妃恨想着恁自綉時先將蜀錦
裁猜掛神前酬愿債又渾如小也麼孩不然時那有
這身材南僥僥令芳徑殘紅掃不開偏趁您去還來
倦立閑兜弓兒窄我欲拾遺珠買事諧北妝江南呀
您看他雙趺困怠呵私自把線兒開高高粉底那些
歪尖尖花瓣不曾埋漫臨風漢臺只怕恁飄然吹去
向蓬萊南園林好念當日遊踪興乖到今日芳塵一
涯猛把雙鴛跌壞封裹了寄將來封裹了寄將來北
沽美酒想村婦飾可哀想窈婦跣還捱誰似恁無聲

暗走來、真個是、絮為胎、真個是、金難買、便菩薩也須
喝采、便石人怎生禁耐、我呵、見了些嬌材、粉腮、都輸
與輕排、淺裁、呀、捧着他時、甘跪拜、（南清江引）盈盈香
玉風中、瑞一團、嬌春氣、鵲待看上樓時、故把裙兒酒
俏、冤家空引人心忒歹、

北新水令一套

贈馬湘蘭、述禪

全道人

一身飛入梵王宮、往還間、乘鸞驂、鳳、數聲清磬響、五
蘊盡皆空、回首塵中、想當年、恍然春夢、南步步嬌、謫
下塵寰、塵緣共、贏得芳名重、羣空冀北、驄根託湘江、
筆底多豪縱、慢擬薛濤同、曾經壓倒三千衆、（北折桂）

令等閒閒秋月春風冉冉光陰落落樊籠甚來由卷
白題紅沒緊要賣俏脩容猛回頭已堪悲痛到今日
識破前踪圖始圖終既不許金屋藏嬌肯甘教從事
兒童南江兒水留髮心常淨逃禪法可通禮觀音頻
把經來誦似嫦娥搗就靈丹用咲天公枉把人調弄
依舊蓬萊仙洞浩浩飄飄要與麻姑伯仲北鴈兒落
帶得勝令却去了錦纏頭髻任蓬脫下了紅舞袖情
休縱喫一口淡菜飯倒勝味醲醲蓋一床粗布被強
似錦重重選幾個小了鬟堪供用種幾盆名花卉可
遣棕閑來時擊如意唱個道情曲興到處藝名香倚

看瘦竹節、空、鬼門關、人、鮑、說甚麼從也麼容、怕無
情愁病交攻、南、僥僥令、滄海桑田景不同、何況是粉
香叢、楚館秦樓、虛歡哄、恁便是妒秋娘、飾枉崇、北、收
江南、呀、好咲他、金鈎還控呵、免不得值途窮、阿姨死
却、弟軍從琵琶江上恨、飄蓬下場頭、自逢下場頭、自
從輸與恁、翻然出世樂融融、南、園林好、高舉翼、何須
怯弓、先罷釣、那愁遇風靜裡、一機無動、空、即色、色皆
空、空、即色、色皆空、北、沽美酒、嚴寒時、柏與松、啼宿處
海和嵩、退步何勤、進步慵、才舉目、白雲籠、才舉足、清
風送、任今古、滔滔空、恁、任是非、紛紛交訟、我呵、再休

題塵中、夢中、情濃、意濃、呀、已是把浮生斷送、南清江
引、愛河般若忙搖動、轉眼寒水凍、先登彼岸、遊不似
陽臺夢、活觀音人願把香花供、

北新水令一套

自嘆

胡金卷

自怜愁病度春秋、倒做了苗而不秀、看看霜點鬢、漸
漸霧遮眸、蝸角蠅頭、半生來一無成就、南步步嬌、北
去南來空奔走、總被天公誘、英雄志未休、進退雖艱、
肯落他人後、漫嘆不帆收、從來打破塵機殼、北折桂
令、想前生未及焚脩、以致今生命蹇誰尤、說甚麼圖
望圖謀、纔圖望反惹灾仇、略圖謀便多差謬、只落得

樂事成愁、好事成羞、更落得、是是非非、斷送人唧唧
啾啾、(南江兒水)把劍心、徒壯、焚舟勝、可求、看花林春
到終榮茂、看驂騑、時得終、馳驟、看瓊瑤、主遇終沽售、
豈可便、加輕陋、白眼相看、誰把世情、參透、(北雁兒落)
帶得勝、令俺怎肯、涕漣漣、學楚囚、俺怎肯、身碌碌、稱
銅臭、俺怎肯、曳朱履、甘去謁王侯、俺怎肯、忘素好不
與共輕裘、俺待要、挽頽風、民歸厚、俺待要、扶名教、道
共由、俺待要、斬佞臣、博個名、難朽、俺待要、拯顛連、做
個俠士儔、休枉思量、不能勾、且把這、牖戶綢、也麼繆
恐無端、陰雨颼颼、(南僥僥令)故屈應、知人任、投何必

要嘆淹留、不見蘇秦印懸肘也。都是在當年、且忍羞。
北收江南。呀、到今便時迤、莫邁呵、向後日、更何求、合
窮安命、且遨遊、夢中醉裏慢夷猶、倒不如狎鷗、倒不
如狎鷗、你看他忘機波上任沉浮、南園林好仰天嘯
氣冲斗牛、向天問生吾有由、難道半塗株守、辜負了、
我心頭、辜負了、我心頭、北沽美酒嘆風波、頻覆舟、論
人心、暗下鉤、那惜詞源可倒流、得意處儘相投、失足
處誰相救、不問恁家聲清舊、只要恁滿身文繡、我呵、
要恢復祖基父讐、要教訓子成孫就、呀、也堪做老來
消受、南清江引昂昂樞要徒誇闊、天道難偏久、丈夫

宣獨伊，我亦文王友，試看那性分中能增減否。

北新水令一套

曲牌名

銷金帳裡，峭寒添，罵玉郎絮叨叨千遍。小桃紅人不見，空辜負賞花天。薄倖綿綿，對着這滿庭芳自消遣。
南步步嬌，步步嬌，獨自行來倦。傷粧臺漸覺鬆金釧，哭相思苦萬千。一封書寫不盡羅江怨。月兒高明又圓，把桂枝香夜夜在星前獻。
北折桂令，告穹蒼擲落金錢，摧拍多情，早整婦鞭。愁覷那玉交枝上黃鶯兒對對，粉蝶翩翩，止不住蠟梅風吹散了殘紅萬點。收拾去園林好光景，無邊上小樓前。玉女傳言，且喜那

寄生艸綠軟鋪茵，又早見庭前柳亂舞飄綿。
南江兒水望斷江兒水，不見夜行船。二郎神何日歸庭院，石榴花噴火真堪羨。沽美酒，獨自和誰勸。他與十弟兄們歡忭，不憶多嬌在何處排歌設宴。
北雁兒落帶得勝令：我為他被六娘子苦自嫌，我為他三學士無心戀。我為他一枝花懶去簪，我為他八寶粧心偏倦。我為他髻鬢鬆懶畫眉，我為他漿水令何曾嚙。我為他五更轉雙垂淚，我為他羅帳裡坐無眠。天天若得他十二時重相見，人月團也麼圓。宰一腔山坡羊答謝天。
南僥僥令：梧葉兒初墜，江頭金桂鮮。珊瑚枕上誰

為伴，可惜了象牙床，閒半邊。（北）收江南呀，似這雙紅
綉鞋，跌綻呵，越加上玉胞肚，悶懨懨，俺只見桂山秋
月下，雕簷鴈兒落處，韻哀喧，雙聲子，可伶，做就了紅
衲襖，少箇便人傳。（南）園林好，花心動，對誰可言，意難
忘，衷腸萬千，憔悴了玉芙蓉，嬌面哭皇天，不見憐，哭
皇天，不見憐。（北）沽美酒，駐雲飛，佈滿天，刮地風，緊漫
旋，似梨花兒雪片撲相連，一剪梅，開了正鮮妍，俺只
見金衣公子，設華筵，唱一曲梁州序，笑聲喧，醉扶歸
去，把皂羅袍濕遍，我呵，鎖寒窗，悄然病纏，剔銀燈，慘
然，泪漣呀，盼佳期，把一對玉環，敲斷。（南）清江引，望吾

鄉不辭途路遠，一江風回來便雙。勸酒數盃，沉醉東風院。那時節，惜奴嬌情意轉。

北新水令一套

骨牌名

雪消春水恨，流東順水魚兒我。偏難共斷，么何處覓絕六。甚時逢柳綠桃紅，羞覩那穿花鳳。南步步嬌天，地分春紫陌，香塵動。花開蝶滿枝頭擁，魚遊春水溶。公領孫兒，八紅陪從，臨老入花叢。恨貪花不滿，成何用。
（北折桂令）亂紛紛楚漢爭鋒，掛印將軍，一去無踪。又早見綠暗紅稀，好景難逢，為落花紅滿地，泪痕萬種。覩紫燕穿簾幙，愁緒千重，負却西施，沉醉東風，去。

時節揉碎梅花，早不覺劈破蓮蓬。
(南江兒水) 龍虎風雲會，鴛鴦順不同。
(櫻桃九熟添愁重) 二士共入桃源洞，
雙蝶戲梅，做莊周夢，打散羣鴉噪鳳。
入海雙龍全不把鴈銜珠捧。
(北鴈兒落帶得勝令) 我為他被七紅將巧計籠，
我為他二姑把蠶開評弄，我為他一枝花懶去簪，
我為他八珠環無心控，我為他碎米粟何曾噉。
我為他錦裙襴，綉帶鬆孤紅，我為他河圖十五多趨奉，
真不同。八不就教奴家那樣縫。
(南饒饒令) 雲散巫山十二峰，
冷落了金菊對芙蓉，鰕入菱窩波濤湧，
鐵索纜孤舟，無定踪。
(北收江南) 呀，我本待要踏梯望。

月呵早離了錦屏風。俺只見霞天隻雁過長空。正雙
飛一對。拗雙飛一對。恨點不到綉房中。(南園林好畫)
夜停冬來漏永。十月應小春睡正濃。折脚雁聲驚殘
夢。梅梢月轉玲瓏。梅梢月轉玲瓏。(北沽美酒)悶觀燈
聽曉鐘。榻子眼望將窮。俺只見寒雀爭梅報吉凶。火
煉丹爐懶去烘。這離情圓一統。正馬軍和他厮弄。拗
馬軍將咱調弄。我呵這相思天同地同。人和不同。呀
火燒梅仗誰傳送。(南尾聲)二十四氣如春夢。還上天
梯望月空。纔有梅花便不同。

北新水令一套

開情

楊蓮菴

小窓高臥日三竿，近年來性疎心懶。利和名兩不關，
千鈞擔已息肩。任咱消散，睜眼看他人寒煖。（南步步
嬌）也不須勞碌碌，廣置千金產。但隨時加食飯，論人
生百歲間。陰晴悲喜常相半，百忙裡且偷閑。把琴棋
詩酒來消遣。（北折桂令）到春來臨水登山，柳陌花街，
歌舞吹彈。到夏來水閣盤桓，眠翠簾對着紅蓮。到秋
來沉醉倒在黃菊花前，真個是地偏心遠。到冬來雪
花飛亂，煖閣紅爐儘消得暮歲殘年。（南江兒水）本是
龍門客，今為鶴髮仙。少年叨醉瓊林宴，揮毫直上黃
金殿。兩番文柄司衡鑑，桃李門牆栽遍。總有讒言，白

壁青蠅難玷(北鴈兒落帶得勝令)俺也曾握虎符鎮

塞垣俺也曾假黃鉞誅叛亂俺也曾掌天曹統百官

俺也曾草黃麻侍主言念鳶鳳勝鷹鷂怕蕭艾混芝

蘭小人哉多行險君子兮不素食清閑不知機心怎

閒平也麼安不知足心怎安(南僥僥令)天家多雨露

宦海有波瀾(因此上)乞骸骨歸故里從此後謝龍池

鴛鴦班(北收江南呀)雖然在山澗樂考槃心敢忘廟

堂前(柰年華向晚)雪盈顛且頤養天和保天年慕古

先聖賢願取清風高節永流傳(南園林好)我今來開

籠放鵬我于今持竿學釣鮮與棋客詩朋為伴娛舜

日樂堯年娛舜日，樂堯年（北沽美酒）日和月錯迭如
轉丸，屈指數俺歸田有六七年，一任山花開落雲舒
卷，幸當今主聖臣賢，鑒成法永無愆，喜天下文修武
偃，續列祖裕後光前，念衰殘有非常恩典，荷存問天
語拳拳，我呵，到今來才淺識淺，謀淺智淺呀，要驅馳
爭奈勢力不全，況是鳥飛知倦（南尾聲）歷侍三朝多
榮顯，歸去星霜今已換，願祝皇圖億萬年。

北新水令一套

春游

淡雲微雨困人天，映江堤柳拖金線，游人逞蹴鞠，美
女戲鞦韆，日暖風暄，開畫閣試春宴（南步步嬌）將舊

恨新愁從今免，對此景難消遣。雙雙畫槳船，兩兩嬌娥，覓勝逢劉阮。攆入畫橋邊，綵結同心，揉碎桃花片。（北）折桂令，散芳心，咲指前川。款拂湘裙，微露金蓮，却擡頭在茉莉軒前。早番身在芍藥闌邊，剛那步過牡丹庭畔，翠綰紅牽。他那裡將俊眼偷睨，俺這裡將饒口空嚙。（南）江兒水，轉過花藤轎，舒開錦綉簾。被物情調弄得我神魂倦，遊蜂兒採得花心遍。黃鶯兒遠定在楊枝轉，又見雙飛新燕。流水橋邊靜掩綠窓，庭院北鴈兒落帶得勝令。（只聽得賣花聲滴溜溜雜管絃，鬧簇簇食壘兒珍羞膳，青疊疊峰巒似畫圖，碧溶溶江

水如拖練，尋幾個詩中才子，酒中仙。到如今誰惜杖頭錢，人不識，予心樂爲偷閑學少年。彩袖當筵捧玉鍾，頻相勸。碧草兒連也，麼天勝重裊，拚醉眠。（南）僥僥令院裡佳人笑語喧，牆頭上露蟬娟。欲問情由無方便，只聽得珮環聲，漸漸遠。（北）收江南呀，恰待要忙上馬，百忙裡墜絲鞭。魂兮飛入在武陵源，據鞍無語自熬煎。都分付錦箋，把新詩成就了兩三篇。（南）園林好要相逢佳期未圓，惹相思風流有萬千。想起他紅粧粉面，不由我意懸懸空，使我恨綿綿。（北）沽美酒霎時間絮團空，香滾綿花褪瓣。亂紅顛只見曉雨初收風

力軟傷心聽著杜鵑，不如歸去可人憐。叫空山血
啼遍，聲哀訴似對人言。嘆歲歲光陰如箭，恨閃閃功
名如電。我呵，都不如自然坦然，任天聽天，呀，儘世事
覆去翻來千遍。（南尾聲）桑田自古多更變，且把春衫
來盡典，拚一個酒醉沉酣胡過遣。

北新水令一套

警悟

高深甫

兩九催促為誰忙，早西沉又看東上，分長短，趨炎涼。
較榮枯，頻收放，傳違興亡。暗笑看今來古往，南步步
嬌打不破利名關，如籠網。笑他暗地人爭撞，駕開苦
海一帆航。風波險處空擾攘，慢教兩鬢點青霜。馬牛

算少兒孫帳北折桂令說甚麼圖霸圖王到如今未
黍離宮風火咸陽那世個事業天長看他們蛇思吞
象雀捕螳蜋萬般謀成得個曹劉幾年間又換子隋
唐桺敗長楊禍起長江到如今一般兒安頓在衰草
斜陽南江兒水武略雄頗牧文韜優杜房五侯甲第
山河壯登壇賦梨人何往錢山金谷誰收掌個個是
英雄宗匠不比尋常也都掩在白雲青嶂北雁兒落
帶得勝令倒不如傲羊裘山水長制不如隱豹林烟
霞爽倒不如投赤松張子房倒不如歸五柳陶元亮
求得個長生術這便是出世方思量最快活身開放

何妨無拘管箕踞蓬頭臥短床南饒饒令倚山林結
草堂種修竹覆低牆門開萬頃湖波漾做一個出乾
坤生死場北收江南呀躲避些功業呵免坎坎坷赴雲
陽總博得高標青史兩三張資甚麼兒孫談講況不
入封侯相學不得投筆先生題柱郎南園林好採林
花青袍染香披芰荷開襟致爽學得些潯陽疎曠愛
孤山壓衆芳愛孤山壓衆芳北沽美酒了殘棋對夕
陽彈扣角與瀟湘靜几爐焚柏子香烹鱗子沁詩腸
泛滄浪一葉可杭聽款乃水雲清響醉模糊三更月
上嘯海天幾聲豪放我呵見了些人忙我忙老忙少

忙都有個散場呀。總不如早尋脫網。南尾聲千般機
局空勞嘆自古來了不盡人生心上。但願得隨分安
閑歲月長。

南步步嬌一套

男相思

傅玄泉

冤孽擔重愁城大。瘦伶仃難擎架。想起俏冤家。剔透
玲瓏風流典雅。受不得分外親。忘不了着人話。北折
挂念霎時間不見冤家。恰便是隔歲經年。海角天涯。
夢化蝴蝶魂。託杜宇。腸斷啼鴉。這些時睡魔神在我
眼皮兒上住。扎相思鬼在我心坎兒上安插。行也思
他。坐也思他。愁顏色鏡裡增添。瘦腰肢帶內消乏。南

江兒水掛一角姻緣號給一張離恨劄何時繳了淒涼價想他的俏儀容想得我如呆傻思他俊心腸思得我如聾啞獨掩書齋淚洒只為他有不等閑的風流教我出尋常的牽掛北雁兒落帶得勝令俺也曾偎着肩把手腕掐俺也曾隔着人使瓜子兒打俺也曾曾在席上偷眼瞧他也曾過尊前低聲罵呀只為你知痛着熱俏冤家拖逗得筆硯慵親書兒懶拿你若無意傳統扇休留題託素帕冤家我為你捱一刻如一夏嬌娃閃得我飯不飯茶不茶南僥僥令只為你

有風流情千種惹下我相思病一榻慾火燒心撥不

下又遇着愁泰山在我眉上壓前腔舉目不相親合
眼夢見他安得一生都是夢和你呵兩團圓到白髮
南尾聲慇懃寫就東腸話默默寄與俏冤家我想你
是真情休當假

南步步嬌一套 闌怨

纔見春來又早春歸去春去人不至梁間紫燕飛粉
蝶雙雙心坎上如針刺思量那日離扯住羅衫抵死
畱不住南孝順歌從他去減玉肌眠裡夢裡常見你
夢見和你把詩題又夢見和你在枕邊睡簷馬被風
吹驚散鴛鴦對他在東我在西泪濕透鮫綃放聲兒

哭一會南香柳娘恨冤家在那裡恨冤家在那裡莫
不是害相思莫不是戀別的這些事可疑這些事可
疑一去許多時全沒個信音寄我這裡想伊他那裡
怎知終日廢尋思何口得完聚南江兒水羞把菱花
照金蓮步怎移闌干獨倚心無計何時盼望得人兒
至一頭撞入他懷內便死何如也免受傷人閑氣北
雁兒落帶得勝令我為他被街坊上講是非我為他
被姊妹每羞恥無言對我為他見人來只是把頭低
我為他女伴中做了脚下泥我為他亂挽烏雲髻我
為他悶懨懨感損眉我為他手帕兒何曾解我為他

題起東來忘了西思之使盡了多少牢籠計耽誤了
名兒多因是剔透玲瓏反受虧南僥僥令知他甚所
為一去竟不回臨行罰下叮嚀誓密語甜言總是虛
前腔前生辜負你今世兩分離耐耐薄情生惡意害
得我瘦伶仃藥怎醫南尾聲相思滋味牢牢記再不
去拈香設誓錯認了桃源悔後遲

新刻羣音類選清腔卷六